

Newyddion Bethlehem

www.gwe-bethlehem.org

Gwaelod-y-Garth

Gwanwyn 2009

Yn eisiau: Cantorion!

Ydych chi'n ffansio canu corws neu ddau o'r Meseia? Da iawn! Mae Delyth Evans yn ymbil am eich help!

Y gweinidog, R. Alun, sydd wedi herio aelodau Bethlehem i roi perfformiad byr yn ystod y gwasanaeth o fawl ar fore Sul Ebrill 26. Felly, dyma eich cyfle mawr chi. Os nag ydych chi erioed wedi eu canu, fe fyddwch wedi clywed y ddau gorws – "A Gogoniant yr Iôr" a'r "Haleliwia" ei hunan, wrth reswm.

Mae Delyth yn ffyddiog bod digon o adnoddau ymhlith yr aelodau i fentro ac fe gewch ymuno yn yr ymarferion o fore heddiw hyd y perfformiad mawr! Os oes ganddoch chi eich copi eich hunan, dewch a fe!

I arall eirio 'chydig ar yr hysbyseb sbwriel yna – "Dyma eich dyfodol – peidiwch a'i ddifetha"!

~~~~~



Llongyfarchiadau i un o'r aelodau, Carys Lamb, Llantrisant, ar ei phriodas â Michael Spicer, ar Ionawr 3, 2009, ym Methlehem.



### **Na – nid y llun enwog gan Curnow Vosper!**

*Ar fore Mawrth 1af, gallech yn hawdd fod wedi camgymryd yr olygfa uchod am un arall o luniau'r gwr baentiodd y darlun o "Salem"! Dyma blant yr Ysgol Sul yn ystod y gwasanaeth Gŵyl Ddewi.*

### **Mae gennym wefan newydd sbon ar eich cyfer fel aelodau Bethlehem**

[Felly Bwletin "byrrach a gwyrddach" gan fod cymaint o wybodaeth bellach ar gael i bawb.]

Cliciwch ar:

[www.gwe-bethlehem.org](http://www.gwe-bethlehem.org)

### **Neges gan y Gweinidog**

## Sgotwr Dynion

Yde chi'n un o'r bobol hynny sy', fel fi, ym methu osgoi'r demtasiwn o arwain cerddorfa anweledig? Prun ai a ydw i o gwmpas y gegin neu wrth lyw y car fe fydda i'n chwifio fy mreichiau i guriad y gerddoriaeth ac yn cael pleser rhyfedd wrth wneud hynny. Dyw'r ffaith na fedra i ddarllen cerddoriaeth yn rhwystr yn y byd. Mae cerddorfa'r BBC a'r Halle, yr LSO a'r XYZ yn ymateb yn ufudd i bob ystum.

Ond ar yr adeg hon o'r flwyddyn rheswm gwahanol sy' gen i dros blygu penelin a chwipio'r arddwrn. Ar Fawrth y trydydd fe agorodd y tymor pysgota ar lawer o afonydd Cymru. Felly dyna hel yr offer i lawr o'r atig a pharatoi ar gyfer cyfarfod y gymdeithas unigryw honno sy'n cyfarfod ar lan a thorlan o hyn hyd yr hydref gan daeru fod yr un a gollwyd yn llawer mwy o faint na'r un neu ddau a ddaliwyd.

A oeddwn i lawn mor frwdfrydig

wrth roi'r offer i gadw? A wnes i iro'r rîl a glanhau'r wialen? A gofies i ofalu am y lein fel y bydd honno'n nadreddu'n osgeiddig tros fy ysgwydd. A'r plu; faint o drefn sydd ar y rheiny? Fe dynnais y mwd oddi ar y sgidie sgota siawns. Y gyfrinach yw paratoi.

Ac un cwestiwn ola – a ydw i'n cael cymaint o flas ar sgota dynion? Fel un a fwriodd ei brentisiaeth ar afon Teifi mae'r ateb i hwn'na'n hawdd – odw glei! Dwi'n edrych ymlaen at y gymdeithas sy'n gorfod sôn am y rhai a gollwyd ond yn fwy fyth am y rhai a ddaliwyd gan gyfaredd yr un a'n denodd o'r dorlan i'r gorlan. Teit leins!

**R Alun Evans**

### **Ysgrifennydd Bethlehem:**

Rhys Dafis

Rhif Ffôn:029 20 89 13 60

[rhysdafis@aim.com](mailto:rhysdafis@aim.com)



Bedydd Cadi Ellis Griffiths, Pentyrch, ar Ionawr 25. Croeso mawr i Cadi!

## Suliau Ebrill – Medi 2009

### EBRILL

5 Parch Lona Roberts  
10 Gwasanaeth bore'r Grogllith  
12 Parch R Alun Evans (Cymun)  
19 Parch Gareth Reynolds  
26 Parch R Alun Evans

### MAI

3 Parch Cynwil Williams  
10 Parch R Alun Evans  
(Cymundeb Mawr Mai)  
(Cymorth Cristnogol - plant)  
17 Parch Milton Jenkins  
(Cwrdd Mawr bore'n unig)  
24 Parch Carwyn Arthur  
31 Parch Eirian Wyn

### MEHEFIN

7 Parch D Haydn Thomas  
14 Parch Gwilym Wyn Roberts  
21 Miss Eurwen Richards  
28 Parch R Alun Evans (Cymun)

### GORFFENNAF

5 Parch Dafydd Andrew Jones  
12 Parch R Alun Evans (Cymun)  
Swper haf am 5.00  
19 Sul y Cyfundeb (oedfa allanol)  
26 Parch R Alun Evans

### AWST

2 Parch Eirian Rees (Cymun)  
yn y Tabernacl, Efail Isaf (10.45)  
9 Gwasanaeth ym Methlehem  
(yng ngofal Eirlys Davies)  
16 Tabernacl, Efail Isaf (10.45)  
23 Gwasanaeth ym Methlehem  
(yng ngofal Ian Hughes)  
30 Tabernacl, Efail Isaf (10.45)

### MEDI

6 Parch Lona Roberts  
13 Parch R Alun Evans (Cymun)  
20 Parch Tom Defis  
27 Parch R Alun Evans

Cofiwch hefyd am y:

**Swper Haf**  
(yn y Ffestri)  
**Nos Sul, Gorffennaf 12**

### Croeso i Aelodau Newydd:

Ydyn, maen nhw'n dal i gyrraedd!

- Ar Chwefror 8, cafodd **Siwan Jones**, Westbourne Road, Yr Eglwys Newydd, ei derbyn yn aelod.

- Yna ar Fawrth 22, byddwn yn derbyn **Huw a June Lloyd**, Goetre Fawr, Radur, yn aelodau. Mae'r ddau wedi treulio 20 mlynedd yn Lloegr cyn symud i'r ardal a June yn gobeithio byddwch chi'n rhoi cyfle iddi ymarfer ei Chymraeg!

### Llongyfarchiadau i:

- **Siwan Rhys**, Creigiau, ar ennill gwobr arbennig yng Ngholeg Brenhinol Cerdd a Drama Cymru. Rhan o'r wobrydd perfformio concerto mewn cyngerdd nos ar 17 Mehefin yn Neuadd Dewi Sant.

- **Rwth Ellis Owen**, Creigiau, ar gael ei phenodi'n Ymgynghorydd ym Maes Pelydr X yn Ysbytai Caerdydd a'r Fro.

### Nofel a thaith Catrin

Mae **Catrin Dafydd**, Gwaelod y Garth, wedi ei dewis yn un o 5 awdur ifanc sy'n teithio "O Walia i Washington". Mae "Random Deaths & Custard, ei nofel Saesneg gyntaf, bellach wedi bod ar restr fer ymgyrch Diwrnod Byd-eang y Llyfr: "Spread the Word: Books to Talk About 2009".

### Anfonwn ein cofion at:

- **Idris Hughes**, y gŵr bwysodd y



botwm i lansio gwefan Bethlehem. Mae Idris wedi bod yn absennol o'i sedd ers rhai wythnosau. Mae'n dal i gadw llygaid direidus arnon ni drwy'r ymwelwyr sy'n galw heibio iddo yn Ysbyty Rookwood!

- **Brian Davies**, Creigiau, sydd wedi cael triniaeth yn yr ysbyty'n ddiweddar.

## Y Cwrdd Merched

Dau ddyddiad pwysig i'ch dyddiadur:

**Ebrill 21ain –**

**Pryd o fwyd ganol dydd**

yn Nhy Bwyta Loch Fyne,  
Y Bontfaen.

(Enwau i Ann Passmore).

**Mai 5ed –**

**Y Trip Blynyddol**

i Amgueddfa Cyfarthfa Merthyr  
Tudful ac ymlaen i'r Fenni.

Cychwyn o'r gofologofn yn Radur am  
9:15yb.

## Cydyndeimlwn

### â'r canlynol:

- **Enid Davies**, Creigiau, a gollodd ei mam, **Mrs Nalda Rees**, Pontarddulais, ddechrau Ionawr. Roedd Mrs Rees yn ein hoedfa fore'r Nadolig.

- **Ann Passmore** a'r teulu, ar ôl colli ei thad, **Mr. Dewi Bonner**, Llantrisant, yn ail hanner mis Ionawr. Roedd Mr Bonner yn mynychu Bethlehem yn rheolaidd cyn i'w iechyd wanhau a chawsom ei gwmni mewn dau wasanaeth Nadolig yn Nhy Eirin, Gilfach Goch, dros y ddwy flynedd ddiwethaf. Bu'n brifathro, llywydd Prydain undeb yr NUT, yn gynghorydd ac ymladdwr glew dros addysg drwy gyfrwng y Gymraeg. Anfonwn ein cofion hefyd at chwerau a brawd Ann - Elinor a David.

- **Teulu Mrs Luned Williams**, Radur, fu farw yn Ionawr. Roedd wedi symud i'r ardal o Gonwy ac yn mynychu Bethlehem yng nghwmni Eirlys ers rhai misoedd.

- **Gwenno Huws**, Pontcanna, wedi colli ei modryb, **Mai Evans**, o Gaerdydd, a Llanfyllin cyn hynny, ddiwedd Ionawr.

- **Cath Edwards**, Llandaf, wedi colli cyfnither yn Abertawe.

### Cyngerdd Bangla Cymru

## Noson Codi'r To

Nos Wener, Mai 8 am 7.30

*Côr Merched Canna*

*Côr Ysgol Gwaelod-y-Garth*

*Delwyn Siôn*

*Oedolion: £5 (Plant am ddim)*

Mae'r tocynnau'n cael eu dosbarthu nawr! O leiaf 2 docyn i bob aelwyd. Gwnewch yn siŵr eich bod yn cael eich tocynnau a naill ai'n eu prynu (a dod yno) neu'n eu gwerthu i rywun arall (os na allwch ddod)!

### Cyfeiriad ein gweinidog :

**Y Parchedig Ddr R. Alun Evans,**

Y Wenallt, 8 Heol Elmgrove,

Yr Eglwys Newydd,

Caerdydd CF14 2BW

Ffôn: 02920 520 854

e-bost: [ralun.evans@virgin.net](mailto:ralun.evans@virgin.net)